

飲虹籀所刻曲

孝威





飲虹箒所刻曲（正續集）

輯者：（金陵）盧

前

出版者：江蘇廣陵古籍刻印社
印刷者：

發行者：揚州市古籍書店

定價：玉扣紙本二百三十元

出版時間：一九八〇年三月

書號：八〇〇三〇二

飲虹樂府卷七

套數

金陵盧前冀野謨

牛首紀游

大石青杏子 草店酒旗飄那青山隱隱迢迢
幸江南十月秋還好看孤城一片荒村幾里
也覺蕭條 么篇 落葉冷長橋小書生終日裏
屈背彎腰喜今朝得個牛山眺這邊是夕陽
瘦馬那壁有白雲紅樹塔影江濤茶蘼香兀
的對一角梅庵弔江楓寒峭冷清清秋氣滿
林皋說甚麼僧歸山寺門扃早只是木魚不

敲鐘聲何處飄淡疏疏半山殘照幾杯酒仰
天大笑三兩步向山邊醉倒好觀音雲海看
來髣髴蓬來鳥陡然間霧縠冰綃匹練橫空
似駕橋隨煞那裏蹋破芒鞋脫布袍這壁又
重展新詩首屢搔你漫笑偷閒寫鈔可是游
罷了秋山譜成套

喜二北至

大石青杏子相見復相思恨春光撮上峯眉
近來多少青衫淚有莫愁花月秦淮夜雨鍾
嶺鶻啼歸塞北春已老往事怕人知尋夢何

曾雲岫出知心難遇鳥林飛小圃筍方肥么
篇何日共尊酒結交期豈獨論心燒燭短當
從說劍引杯齊詞卷不停披尾聲五斗彎腰
原非計絃索別餘風味飄飄白袷衣這時節
指點宮商歌未已

和冀野

任 訥 中敏

〔大石青杏子〕緣合費尋思莽心情權解雙
眉平生幾灑知音淚堂前肅拜門東小步
酒後悲啼歸塞北當年事此日有誰知臺
上書聲何故歇洲前白鷺幾時飛空有夕

陽肥么篇風光別偏與我相期觸手杯盤
茶座密回頭城郭綠楊齊情緒越離披尾
聲握別河梁言活計世事這般滋味風塵
又滿衣狂客一聲才歎已

南雍遺韻

孫八雨廷錄諸同學少年所作詩賦
曰南雍遺韻屬前題之

黃鍾醉花陰冷落雞鳴寺前塔剩敗柳荒城
入畫指一樹馬塍花想當初貰酒斟茶多少
忙車馬舊夢問啼鴉禁不住新亭清淚灑興

隆引德風亭下幾度閒嗑牙那古柏梅庵十
廟暮笳菊廳秋月訴不盡少年情話祇青燈
黃卷齏味生涯么篇有一個邵侯嗜飲森廣

坐儔人推酒霸有一個邁達王生煥名士

相誇有一個周郎大腹愨丰神瀟灑更有個

士衡筆健陸惟論文字都無價第三換頭驀

回頭一夢十年也不道俺似線腳跟只未繫

家歷遍了三峽星河京洛塵沙春申浪跡宣

州作嫁待何時舊侶重逢話到桑麻尾聲只

這啞詞章都付與閑杯聾我且留取一片嗟

呀更向夢中消受罷

舊巢

爲立生賦也旣歌問罪以代鳴哀然
鏡不重圓終成離異何以慰之賡成

此曲

南雙調朝元歌花嬌柳嬌恰似蕭郎好今宵
昨宵到處生煩惱記當初掠鬢簪花迴眸微
笑暗地裏把心腸相告枕上嘵叨說甚麼今
生白頭偕到老誰知到引領自就殺人刀也
是你薄命紅顏運不高畢竟是因緣不巧思

前想後如今怎了如今怎了
前腔一樁樁傷心舊稿
我把你眉兒掠你對我吹笙弄簫
我和你衷情告你當我心肝
我也把真真低叫驀地裏
死央打倒可憐雨灑風飄
剩鰕生淚珠不住拋
那壁你嚎陶這壁我牢騷
畢竟是因緣不巧
思前想後如今怎了
如今怎了
前腔那一夜燈花喜報
你心上誰曾料見你
紅暈生潮紅得燈花笑
半捲流蘇暗分紅襖
我早在你身邊
跪倒窗兒外
細雨瀟瀟那時
片魂不殼銷
沒來由聽雨
又今宵你飄零第

幾橋畢竟是因緣不巧思前想後如今怎了
如今怎了前腔把往事心頭憑弔酒醒無聊
着長更又敲夢也何曾到縱萬語千言依然
嫌少只是閒愁難掃如影如泡恨你哥兒暗
中偏作喬勸你割斷這情苗歸家認舊巢畢
竟是因緣不巧思前想後如今怎了如今怎
了

鄭娛桑夫人輓辭

商調集賢賓娘行大家賢德講沉儒雅賽宣
姜冷清清一燈長夜瘦岩岩幾卷書香那壁

廂嫁兒女裙布荆釵這壁廂送爺娘白髮還
鄉雖然賦詩僅兩章體貼兒一片心腸秀才
爭不櫛詞客出紅粧逍遙樂想當初明珠掌
上窗兒下熟讀詩書恨的親娘棄養正千里
他鄉望兄弟無限淒涼衫履裁縫夜夜忙勝
似他錦繡膏梁自享女紅剛罷杵白纔完書
味還長掛金索兀的是嫁得康成不作封侯
想夢到長安淚滴在行囊上待奉高堂兩老
聲聲獎送別蓬萊全沒有閨人樣金菊香曹
大家設帳在草堂桃李盈盈列幾行傍紅樓

絃歌助晚粧，驀然見陌上垂楊。怕則是皎月
照扶桑。醋葫蘆自從渡大海，返故鄉。把育英
的責任一身當。說得好十年樹木，風煙長博
得儒林贊賞。早爲你鄭家夫婦種甘棠。么篇
世上事，歎參商。看十年兒女早成行。鬧穰穰
柴米油鹽，算不盡生活賤。持家苦況，早已是
鬢邊白髮對斜陽。梧葉兒干戈擾石城荒。幾
曾料兵災天禍，幾番嘗冷則冷藥爐火求則
求。續命湯恨則恨病膏肓。到大來人天散場
浪裏來煞重提起一樁樁宣文懿德好心傷。

笑世間女宗誰可講不由的敬心相向一聲
薤露奏山陽

題白屋遺書

正宮端正好記那年渝州道初相逢攜飲山
橋可憐顛顛額書生貌你白屋懷孤抱滾繡球
思往時當自嘲瀟湘返棹囊底收多少風謠
壯歲篇擬楚騷將愛晚亭夕照把汨羅屈子
魂招長安去後又圍城裏險些兒正氣歌成
命不牢困煞蓬蒿倘秀才你把個杜少陵平
生祝禱你把個陸務觀歌行拜倒更愛個嶺

海詩翁格調高兼衆善去舖糟才能獨到脫
布衫展愁眉從此游遼慰親心重整歸軺萬
里路成都去了怕幾年間祇剩得幾篇吟稿
小梁州你憑仗歌詩意已豪坐想清操江湖
萍轉十年勞如君少誰曾料龔生天么你泉
台此日應含笑聽江津弦誦陶陶沈約腰束
坡帽認君遺照猶是舊丰標尾聲尙非過嶺
人怎教春夢老傳來一曲巴人調便擺手搖
頭你去何早

雪社旣張述金陵掌故告游客

雙調新水令祭詩曾向盍山來又相逢城西

挑菜有七子傲三臺布領芒鞋個個千秋在

駐馬聽秋蟪吟懷並世詩人爭下拜金和可園

風采陳作霖一時談苑出新裁子疇浚鑿粵西

開端木伯言承續桐城派梅曾亮誰與儕當前

不少文章伯沈醉東風論功業應推鄧嶰廷楨

論經儒首數汪梅士貞儀閨秀宗王蒼老雄

方外僧蒼崖逮樓荒鍾鼎揚灰甘元萬里歸人

畫滿齋張也不讓揚州八怪折桂令試聽

嗚咽秦淮千古鍾山紫氣沈霾毓秀鍾靈偏

飲虹樂府 七 二 飲 虹 簪

生文士天與安排數不盡勝朝老輩問何如
後起英才有蘭桂盈階把百年文運較量興
衰收江南江山信美任低徊弔古傷今意已
乖前賢豈必勝吾儕休只管閃捱休只管閃
捱時移自有出羣材沽美酒可居上如積柴
可漸厚如積苔因此上閣浮終不敗門庭未
改又早見生光彩太平令今日個白雪陽春
誰解鶯兒燕子休猜笑暴富貧兒形態畢竟
愧吾徒本色美哉奐哉這纔不負萬方過客
鴛鴦煞米家書畫船中載周郎歌曲筵前愛

甫見冬殘又喜春來唱道萬象新回佳期難
再點染生綃還相待此會初開且譜套曲兒
說前代

惱毛女峯

涇陽吳子旣失意賦詩紀其事傳布
海內已久耆舊憐之感目以爲迂後
進少年復從而非笑之夫發情止義
吳子誠有足多者顧其遇若志世莫
或諒焉洗冤辨誣之責舍其友而誰
屬耶於是作惱毛女峯毛女峯者用

張孟劬丈本事詩中毛女峯頭舊時
月句也

般涉哨遍毛女峯前望久舊時月照閒時候
不照燕鶯儔哀他無女高丘淚滿袖只道是
未甘術取一任緣差空贏的事不隨人逗寂
寞餘生自疚情場理窟成敗恩仇看來彩鳳
添雙翼釣得金鰲又脫鉤窺宋玉冷了東廡
撇雙郎走上茶船剩長卿危絃獨奏耍孩兒
江山出落得蛾眉秀何況是年華二九記當
時絲線繫蘭舟朱門空惹人愁已然無波古

井如心水還要靈鵲填橋託鳳儔相逢後青
天碧海寸斷腸柔四煞生憎他百寶粧腰帶
眞珠珞臂鞦吉士多情纔遇下懷春誘歎澄
懷玉有微瑕印破鏡鱗成碎影留重回首離
鸞別鵠兩意偏投三東瓦番西瓦南州共北
州迷離撲朔他只是推還就爲着他七年風
露常千里爲着他海國星槎繞一周馬牛走
依舊在鰥鰥長夜苦盼烏頭二待來狡兔成
株守待近童蒙不我求如何一夕翻嫌驟你
癡心便做終身待攬鏡應傷已白頭機難又

辜負了碧窗繡枕都只爲割地爲溝一誰料
東方千餘騎他家夫婿在上頭才覺道愚誠
移世怎能够片時爲誦高駢語一醉忘情萬
事休參詳透嫦娥負我我復何尤尾長憐義
俠人每懷吳碧柳成就個絕代的奇才畢竟
因良友惜這一點情癡逃不出狠心婦人手

毛女峯惱

哨遍曲成流傳至洱海吳子見之恚
甚曰惱毛女者是吾讎也遂書以絕
交雖然余終傷其遇爲世憐才有不

能已於言者續作毛女峯惱

黃鍾願成雙把江心兔山頂蝦蟆閣了老相
如詩賦生涯算是真非假鏡中花拖逗得從
春到夏么篇換頭笑尾生抱柱情多傻藍橋
他別有靈楂眼中飽鳳與饑鴉生受你男兒
守寡出隊子終成凡馬空軒惟自嗟未憐玉
骨委黃沙悵望青天帶紫霞恨海洶洶風浪
大么篇換頭論聰明遠在多聞下明知道摩
登是禍芽蹉跎白首忽緣差肯撥烏雲斬亂
麻爲孽障橫擔半世枷尾補說諸天捉妖法

好漢子虎擲龍拏肯給你薄媚娘行閒弄耍

一夢緣演明王國梓事

雙調夜行船流水落花如夢中只贏得過眼
恩恩綠鬢臨鸞白頭弔鳳空相對夕陽荒塚
喬木查想文場選貢倒做了射雀兒郎寵把
玉葉金枝掌上捧天台劉阮事真個重逢慶
宣和乍入巫山十二峯六日從容這一段因
緣記西宮夢擁夢擁落梅風江頭雨天外風
驀然來鼓鼙聲動活生生鴛鴦折開飛不動
還記得出宮門那回相送風入松自武昌城

下各西東飲血幾孤忠不爭弱女多奇勇與
家國全始全終休道蒼天播弄黃泉路恨未
追從撥不斷今日個九州同竟全功前朝話
不出心頭慟照影卻先成拄杖翁愁懷偏掛
在桃源洞忘不了故人情重離亭宴煞百年
萬事原春夢你不如把夢從頭誦論文章何
須太工可將那美甘甘洞房時亂紛紛避賊
日冷落落墳頭送一天愁恨重一個多情種
都安排入詠且史蹟補煤山與東堂一鼻孔
想男兒有限才能幾個爲時用人問我何爲

述鳳豈那些二弄月吟風人念幾句濫詞兒算
得懂

西竄

仙呂點絳脣礮火封江海門屏障春申上初
度流亡都不似哀鴻狀混江龍聖湖無恙一
車明日出庚桑峯迴路轉遇雨南湯歸後紛
紛爭問訊警來草草卸行裝陶家巷洞天朝
暮從此難忘六么遍赭西違難門相向此楊
柳李比傅隣王羅家聞口青弋水旁淚眼愁
眉來往悽惶又于湖三月宿空桑后庭花傳

聞陷大場濡須偷渡忙坐席何曾暖排檣上
九江去蒼黃船留香口徒行過馬當賺煞抱
冰堂閒游浪倚黃鶴江天在望半壁旌旗笳
鼓壯願元戎固此金湯好山川中興憑仗况
多少龍城飛將西來還歌唱着大風腔

後西竄

仙呂點絳脣落腳河街縮頭人海安全再燈
火樓臺跳出了狼煙外混江龍半年行在晉
南徐北捷頻來魚盛玉椀酒換金釵小巷昇
平名字美冷曹馳坐日長捱終相待好收燕

薊規復江淮六么遍戰爭莫定新時代高呼
建國煞費安排參知政事除拜我儕萬壑中
流無礙和諧急宗邦危難釋疑猜后庭花中
原戰局開商量入峽纔十日彝陵住一家萬
縣來正珠崖風狂雲驟凶烽何厲哉賺煞展
愁懷巴渝客好風景依然未改虜又遭逢隨
棗敗看東倭士氣初衰喜中興前途光大且
揮袂從容西邁憶江南也不作庾郎哀

南泉攬勝

天石青杏子攬勝記南泉虎嘯口莽莽風煙

看秋光不比春光賤歡笑在海棠溪上萬松
嶺下聽水樓前么便山水有因緣不曾遊怎
知留戀出門卽是天涯遠歎巴渝羈旅閉門
縮手仰首青天好觀音載我扁舟花溪轉盡
花溪處處花園樓閣參差水一邊南泉面花
裏初相見么此地游人無時倦建文峯坐對
無言更有鱸魚不值錢閒消遣詩酒從人便
尾聞道是暮雨朝雲隨時變好誅茅小住三
年願向你林泉書契券

相老人百歲頌

仙呂賞花時花近高樓鼓樂生雲擁南天老
壽星野史築新亭百年重省過眼儘分明么
篇眼看着揭竿紅羊事未成眼看着革命黃
花血尙腥眼看着大漢振天聲畢竟得共和
同慶門下盡同盟賺煞實指望主義漸施行
收拾邊氛靖誰料又看狂倭稱師入境只信
道抗戰哀兵期必勝果心堅建國終成有豪
英智勇艱貞旋轉乾坤運自亨但遙祝風光
魯靈桑榆佳景更看着向黃龍痛飲掣長鯨

寄題樸園書藏

仙呂祆神急傳家萬頃田未抵一塵書百宋
千元眼飽藏家福麻沙本足珍蜀刻空前古
縹緗錦帙堆滿廚百城高擁也笑傲吾徒六
么遍留年蒼樸留遺築巾箱十八卷卷朱符
文曰岳池陳瑤圃遺書子孫他日必能讀元
和令苾芻知有胡延雙鑑世推傳增湘賁園
雁老亦耆儒嚴嶽幾家行篋目論多精不讓
楊閣海源瞿鐵琴銅富何止五車后庭花煞讀
書味有餘藏書聊自娛願取詩書味肯做守
書奴味何如莘莘年少把陳公這十字記須

熟瑶圃先生佩玉鐫遺書與
子孫子孫必能讀十字

空襲

南呂一枝花纔見紅球掛半空接着警報鳴
鳴送將家私裝一包有軟橈挾如弓收拾從
容近處防空洞何愁路不通只等他緊急來
時街道上前呼後擁梁州第七靜些時微聞
震動飛將軍直起衝鋒當前驅逐多神勇好
比作藥師行雨列子乘風這其間機聲達達
礮響隆隆有時兒漏網來攻有時兒任性狂
轟炸得我同胞血肉流紅燒得我到處頽垣

斷棟逼得我全民萬衆心同始終效忠喚醒
你侵略夢高唱起自由頌爲正義和平抗醜
戎看你個尸體先橫尾聲一會兒綠球又向
街頭弄解除了各在還家道路中信道是空
襲從來無驚恐一任你肆凶那怕傾國機羣
來得猛

春暉篇

己卯臘二母年六十矣避地白沙未
敢稱觴敬述北堂感舊之詞以爲老
萊舞綵之曲題曰春暉永垂家訓

商調集賢賓但能吃虧福不小把忍字教兒

曹算花甲而今來到早忘卻多少煎熬便吾

家幾閱滄桑

辛亥盜劫壬子分爨己未析居
丁丑兵火於是四毀吾家矣

保身名應念劬勞糲食粗衣也好願禁當風
雨漂搖方信道路遙知馬力江漲見船高道
遙樂想當初門庭光耀上侍重闈暮暮朝朝
歡樂陶陶幾曾料未老的公婆一旦拋叔姑
每稚齒垂髫那壁廂啼寒喚襖這壁廂散學
分糕讓一個嫂氏操勞醋葫蘆未曾婚嫁了
家緣守不牢毀家再造逞心豪爾父可憐抽

身早破空來松江音耗只苦你孤兒奔走到
今朝浪裏來煞自扶攜十日家上征程萬里
遙況干戈滿地陣雲高況團樂幾家骨肉好
共斯民温飽謝蒼天厚我福多叨

北征

仙呂點絳脣臘鼓聲悠臘梅開透勞軍又小
別山樓只背着巴渝走混江龍錦城分手星
輶輓輓道塗修潼前劍外散策優遊行過廣
元無蜀棧一登牢固入秦疇都非舊甯羌風
雪沔褒松楸六么遍寶雞除夕難消受膚施

北望欲去還休長安逆旅拋盡苦愁讓
我茅津馳驟恩讎在中條山下共戈矛
后庭花會興利那留盤桓白馬陬洛下
今猶昔相攜上鄭州正中牟玄黃血戰
英雄孫仲謀謂蔭亭賺煞離黃流趨
河口更明日樊襄訪友夜雨鍾祥譚蕩
寇坐燈前笑語桓侯謂蓋忱仗關張屠龍
身手待成功吾儕聚首數征程重譜
出秣陵秋

江河判

商角黃鶯兒江水江水平昔功多戰時有罪

你灌溉農田豐年吉瑞
么篇換頭只狼狽堪
悲是交綏以後馳驅艦隊
這滾滾水翻爲累
水翻爲累垂絲釣未能敵對
又不得決然崩潰
又封鎖無從比不上大河清
一回拯救垂危望而生畏
應天長寇窮何待追知難還自
退往日爲災功今獨最纔知道
一線黃流天上墜
做堅壘河防偉永記你勳勞
來歲尾聲各有各功能
不必離其位江乃建國需
河亦宗邦衛各把涓涓滴滴
報當時這纔人不江河愧

黃桷對

蜀中多黃桷樹人不知其用惟冶者
寶之

商角黃鶯兒黃桷黃桷幹不松枿枝無筴皂
我道你最不成材天生廢料么篇換頭桷一
笑頭搖道功何自伐能何自表你明公可能
知曉可能知曉垂絲釣疾風勁草桷也生於
石竅賦性愚貞等待到寒冬知後凋鐵水初
熬憑誰來攪應天長須細調還慢搗不得爲
薪微勞在竈纔知我小桷堅強工鑄造火親

蹈忠爲寶肯向你明公誇耀尾聲況長夏桷
陰涼方便行人好信天無棄材黃桷終相保
勸君珍重好天資別因循歎卑老

戲臺下

昔客大梁作看戲行書罄聾跛三人
語以爲笑樂稿久佚顧年來涉足劇
場所見多有其事乃重譜此篇直言
無諱覽者恕其拙焉

商角黃鶯兒臺下臺下看客三人爭先發話
漸議論紛紛聲驚屋瓦么篇換頭聽噪大堪

誇只行裝砌末稍微減價原來他兩眼齊瞎
兩眼齊瞎垂絲釣以吾所察場面稀奇好耍
要一反尊評惟有這歌喉低且啞你眼太昏
花此是龔翁回答應天長教我笑掉牙兩公
言可詫這齣戲有色有聲毫無漏罅又一個
跛足先生開口罵眼望着戲臺塌斜歪乍你
龔瞎不曾知罷尾聲俗說兩公婆鬥嘴常相
打公云婆理無婆道公心辣臺前譚戲像公
婆願公婆易地思量下

悼張自忠將軍

今年四月十九日前從河口至宜城
時第三十三集團軍總司令張蓋忱

自忠

駐防鍾祥城外犯夜南行亥初

始抵快活鋪蓋忱率僚屬來迓投宿
農家笑談竟夕明日冒雨趨營門授
國民參政會所贈旗蓋忱復祖餞其
行歸未二月而有襄東之役血戰張
家集蓋忱竟以身殉噩耗傳至行在
朝野罔不震悼蓋自抗戰以來大將
之死於疆場者蓋忱爲第一人云江

漢匪遙忠魂永在山樓不寐和淚招
之

南仙呂入雙調夜行船莽莽荆襄是中原鎖
鑰峽江屏蔽奔濤捲血戰三年未已兵氣在
桐柏山南武勝關前大洪嶺底須記卻敵棗
隨時憑仗着幾人忠義前腔依稀戰地初逢
傍鍾祥鼓鼙聲急荒村住苦雨淒風夜裏窗
西話河朔當時洛蜀而今楚齊更替知未念
爾闕牆人不見釜中含泣門黑麻霏霏授旗
時營門外雨中立誓俟河山還我再來相會

柴扉小別勸進酒長辭豈所期好風儀從此
難忘馬上英英豪氣前腔吁嘻棗陽南張家
集別來曾幾竟一身報國掉頭去矣淒其臨
危色自怡還將一語遺志無移總不負元戎
但求我心安而已錦衣香創前胸呼而起指
揮間傷其臂只有熱血千條暮潮同沸斑斑
落落染征衣掩映旌旂憑君睥睨便一彈一
枝槍衝鋒掠陣要雪中華恥殺狂倭之勢這
丹心一點永垂天地漿水令慰將軍未須垂
涕使倭奴徘徊路歧癡蛇吞象真兒戲足陷

淖泥力盡精疲三而竭無他技多行不義奄
然斃如螻蟻如螻蟻葬身何地荆襄上荆襄
上血花飛尾聲想見成仁際恨不及中興時
世願你個英魂毅魄永來相衛

苦熱

南呂一枝花驕陽百日威汗點終朝滴閒將
書卷拋時見蚋蚊集難得風吹熱越添威力
歎吁無瘦肥只看他狗舌長伸禁不住垂頭
喪氣梁州第七挨不得火爐般竹窗木几穿
不上鎖枷般草帽麻衣蒸騰的滿身多少金

生麗整日價光頭赤腳忍渴懷飢扇搖疼手
帕拭傷皮火燄山任你棲遲清涼僧與我相
期那裏有鬱金堂檻外荷池菱老趾湖邊晚
會白鷺洲石上圍碁不歸可悲空懷想梅滋
味割蓮藕供瓜李纔覺得當前百事非原來
是天各東西尾聲想移家避暑非長計便畏
日趨涼亦豈宜驀然間山雨來時風生勢直
追卻回早把你虎虎的炎威收拾起

嘲陶

南南呂入雙調步步嬌五柳門前眞瀟灑羨

煞先生也黃花插鬢斜日暮悠然置酒東籬
下今我已無家訴西風不是君家話醉扶歸
我曾見亂紛紛海角窺胡馬我曾見慘悽悽
都門起暮笳知多少好男兒血肉染黃沙知
多少好門庭樓角飄殘瓦早拚我一家淪落
到天涯誰料的天涯偪仄難容下皂羅袍覓
個鄉村住罷算開門七事醬醋油茶攜來十
口野人家寫來一幅流民畫起初是逢三遇
九開心祭牙而今已從春到夏將絲買紗看
豐年米市高堪詫好姐姐免不了眼巴巴逢

場歎嗟免不了鬧烘烘警鐘頻打道山城火
大小住亦爲佳心頭雜這其間酸甜苦辣添
驚怕似釜底遊魚井底蛙尾聲細思量五斗
今何價不折的腰支早折了他誰把你歸去
來辭閒唱耍

吳子盛靜二女士招遊柑林

天石青杏子紅豆有柑林六里外策杖相尋

暢好的土黃石白秋如錦共荆妻嬌女之慧

從儻板輿奉母乞借初陰么度水漸山深驢溪

西去濤聲噤更一登馬項名清香沁望垂垂

風裏錦球耀眼的鑠黃金好觀音好一座衡
廬江爲枕出園門沒聽鷓音便做南郊隱戴
吟雙柑飲恨整納干園禁么笑我恁忙貪癡
甚野人家習禮知欽果然來試拐揚鉤摘下
林爭先任一顆顆帶葉連枝恁尾不是你百
巧千靈的吳和盛更誰能慰我親心
吾母已數年無
此歡
樂矣算七千樹柑兒都歸我賃

飲虹樂府卷七

飲虹樂府卷八

套數二

金陵盧前冀野譔

謁仁懷張箬農先生墓

仙呂賞花時不見枯桐只見梅憑弔詞人土

一坏華表尙崔嵬玉凝紅淚中貯百年悲先生

葬愛姬劉墓側么篇再不望山外春雲拂檻低再不

聽松籟隨風落遠谿記池館燕爭泥那時顛

頓搖漾着畫簾垂賺煞早斷了退漁碑寂寞

煞張春水難磨滅文章賞會無讓乾嘉諸老

輩這其間月上依偎守香閨詩酒談誠樊榭

風流故自追多虧有微雲女婿

謂鄒大令瑞人

遇着

個知音臨桂

枯桐閣詞序爲鄧兩人作

暢道是江山信美

不如歸

辛巳獻歲四日實父慧修伉儷招游菽

水園同樂之翁光琬公彥姊弟園爲枯

桐詞人故宅易主已三十年矣

仙呂賞花時

半日陰陰趁歲朝試馬鳴篔簹意

興豪春色滿西郊有故家池沼圖畫勸人瞧

么篇白鳥雙雙出柳梢竹上情絲分外嬌一

帶赤闌橋眾芳圍繞曾此放風騷賺煞深處

小樓高明月當年照彈多少相思舊調把紅
透的杜鵑纏不了便而今花發無聊主人簫
夢去迢遙知燕子重來不肯巢任荒涼也好
共門前閒眺只山中剩幾個女郎樵

庚辰祀竈日冀野來會田舍讀枯桐
閣詞驚歎其直入北宋人室深以搜
羅未及爲憾枯桐詞人者張箬農先
生余妻慧修之外祖也黔人渝居宦
歿秦中其墓距余山居里許再二里
則其別墅菽水園已久易主矣新春

四日冀野再來聚與樂之慧修攜琬
琛兩兒偕游園亭且展墓樂之寫菽
水園圖琛兒寫謁墓圖冀野成套曲
二余亦踵爲以紀之

新會 張鏡明 寔父

仙呂賞花時菽水園曾畫裏看

廿年前在成都於瑞

人外舅家中見菽水園
圖箬農先生手筆也

今日樓頭共倚闌

風景可依然重來飛燕池館舊情牽

慧修兒時

隨外姑歸甯
常嬉遊園中

么篇盡道是明月相思幾缺

圓卻不道朝雲易散感坡仙

先生愛姬早
歿園中有相

思明月樓紀恨只無奈有情天如花人面偏短了

玉簫年賺煞一樣的好花間依舊的垂楊
畔休說畫梁新人家早換就是那寂寞的
荒墳也變遷幸遇着發幽情江左盧前有
如椽詞筆春妍他要把墓碣重題表玉田

冀野將爲題碑日詞人張箬農先生之墓從今後名山久遠從

今後千秋留戀又何必人非物是去心關

十六日從江津縣城還白沙舟過金剛

沱幾遭覆滅之禍山中親友爭來慰問

戲賦南詞以謝

南南呂嬾畫眉從來說蜀道難如上青天今
日個幾乎下九淵也不是騎鯨捉月李青蓮
也不比傳書柳毅龍王殿錯趕了博望星河
探險船不是路黑夜江天早攜來几水邊昏
難辨兩三燈火水中懸聽潮喧恨此身無術
輕於燕且倚賴推扶跨上舷心神倦低頭更
作吳牛喘敢向人埋怨只自家埋怨棹角兒
沒來由舟搖浪掀四下裏心驚色變過不盡
石鑿的千灘總朝着金剛那一面這其間引
江呼艙灌水小兒啼老婦哭亂烘烘鬧成一

片有的憑闌詬罵有的高聲喊冤只打點逐
流東下我獨無言尾聲蒼天畢竟行方便性
命依然得苟全願做個砥柱中流還自勉

感逝篇

三十年三月一日復興關下作

商調集賢賓靈山會中尋舊侶三載祇須臾
歎搖落江潭老樹誰還道風景無殊記新荷
碧染南湖又春花紅滿浮圖喧枕惱人今夜
雨便從頭夢也模糊遺書傳郭解英夫高論憶
髯胡石青逍遙樂虛前席慙無裨補喜奉手多
儒勝我十年苦讀盡善策良謨一個亡命潛

身走碭徐顧子揚一個在湖湘教澤長敷胡子靖丈

元只一個張蒼退處耀一個翰苑詞徒徐遠謙

隔菰蒲金菊香一個星槎歸客佩兵符蔣方震

一個雪夜關門自譯書馬君武一個食貨羅胸

精義取侯樹彤一個個才未全舒智各在囊餘

隨煞相攜赴難時齊心挽天步昊蒼不慙遺

中道早云殂嘉陵畔復興關今再聚待還吾

土艱難後死尙馳驅

倉洋嘉錯雪夜行

復興關下夜共喜饒大師談康熙間倉洋嘉錯繼阿旺羅桑坐牀受位是

爲第六世達賴儀容俊美文采秀發
天生多情不謹戒律所作歌曲多言
男女間及佛法傳誦遐邇說者謂其
後宮深苑時具幽歡又嘗獵豔拉薩
城中於布達拉宮祕啟便門躬司鎖
鑰微服宵出變名蕩桑汪波趨酒家
與當壚人會未曉潛歸無能知者一
夕大雪遺履痕雪上事以敗洩坐廢
清聖祖詔檻送京師走青海發病死
藏之人憐而懷之至今大雪山中未
有不能歌六世達賴情辭者烏乎南
唐後主北宋道君得倉洋嘉錯而三
矣於是賦
雪夜行

黃鍾侍香金童壚邊淺笑有個人如月何以
投之只一瞥從茲繞花迷粉蝶拉薩王城願
無虛夜么黃衫白皙忒温文歡愛絕不是浪

子尋春游狹邪道汪波蕩桑名字別早誓海
盟山並頭香熱降黃龍袞把百年恩愛兩心
相結暗中來更盡去不肯將春光偷泄在布
宮深處便門初設着意安排十分寧貼么誰
料的彼蒼搬弄漫天狂雪屐齒兒呵印泥塗
留鴻爪好事一時決徹受脣刀指劍萬千言
說競道是錯失菩提遇下了這般冤孽出隊
子比個李重光銷魂時節畫堂東畔些手提
金縷下階疊夜半搖紅燭影斜香馥郁的豔
詞還自寫么更比個道君皇帝金鑲謁對鑪

煙錦幄遮調笙私語聲相協纖手新橙裝甫
卸勸馬滑霜濃還駐車神仗兒煞是三生聖
哲歷諸天浩劫能幾個爲着情殉傳留下蓮
花妙舌算帝王計劣論文章不拙唱倉洋這
回行雪莫笑是癡呆普天下不癡呆的那裏
有情種也

白沙秋思追和東籬

雙調夜行船入夢莊周常化蝶流連處感歎
傷嗟鶴語遼陽烏衣王謝縱九死此心難滅
喬木查記得謁中山墓闕傍靈谷芳菲野一

往江湖無可說已支離過五年到了金蛇慶
宣和亂闖龍潭與虎穴也算是肝膽英傑誰
曾料五斗逼人此腰折問今日哭耶笑耶落
梅風心猶硬望不奢度難關黑天長夜鑄造
光明只須血似鐵當重見白門風月風入松
復成橋下柳風斜玄武滿舟車莫愁湖雨鍾
阜雪蜀中游心情頓別未肯吾藏我拙寫秋
思一個書呆撥不斷墨池竭續還絕江聲故
向愁人惹山色偏將望眼遮花香每送樓頭
缺白沙村舍離亭宴帶歇指煞金陵僑寓門

前貼何時楚尾吳頭歇把歸期望徹郭索索
蟹團臍對尖尖菱兩角紅撲撲楓如血不焚
陌紙錢不趕墳山社最淒涼這些開遍海棠
花又凋牛尾草落到梧桐葉重陽沒幾天早
是冬時節莫太息寒衣破者爭依舊作流人
辜負了一年好景也

次韻書夏完淳獄中草後

南仙呂甘州歌殘編在手想當年西笑死重
山丘胡馬窺江萬物都成芻狗最可惜輕拋
城郭如遺屣只剩丹心幾白頭屯兵處和悅

洲神京東望路悠悠倚闌處北固樓仰天一
嘯看吳鉤前腔膏梁與馬裘獨奇男十七英
雄無偶煙籠寒月疆場不照閒愁只記得家
亡國破非人世喋血孤軍又一秋百千戰十
六州雪鬢還仗少年頭心含淚淚滿眸吾師
吾父骨誰收前腔碁輸萬事休望鍾山舊雨
隋堤新柳成仁今日得仁我復何求原期狐
狸來投網不幸蒼鷹竟落鞬願淮水亘古流
有人隻手挽神州爲雄鬼唱九秋祝君早上
勝碁樓前腔從容獄底囚以長歌當哭抵詩

千首天荒地老可憐一點心頭憑仗的浩然
正氣人間滿難得是還我精魂太上游恨常
在海自流黃泉碧落汎靈舟穿雲燕點水漚
男兒何必要公侯餘音志須酬機難又一歌
此曲一登樓寄語英髦莫浪愁

雨後登黔靈山

越調鬪鶴鶉二勝名齊城西數里對峙棲霞
黔靈臺起鳥道雲中松篁畫裏那閒情那歡
喜雨後山前吟邊杖底絮花兒序經過了窩
亭古洞早對着虎迹懸巖又來登一座雲棲

只聞鼓角不見僧衣遲疑滿眼丹楓掩翠微
赤松遺錫今日個洗鉢池荒空悵望無主曹
溪小桃紅舊時寶研有留題解識寒梅意三
十年白鹿青山問誰記去來兮只鐘聲還送
書燈味笑麒麟夢非聖泉曾沸一併入傳奇
調笑令奕棋一盤宜難得偕博雅多聞柴曉
共李獨暫借這象王嶺上幽靜地割鴻溝偶
然遊戲還要你陳仲尹石公張馥華麴仲議擬
莫道我話裏藏機收尾雨纏綿的貴陽爲我
天晴霽好風光不數吳頭楚尾試看這七十

一峯中又只有黔靈推第一

花溪遊賞

三十年十一月五日

黃鍾醉花陰收拾吟囊趁秋曉準備花溪去
了過太子石欄橋交椅岩堯山下清流繞風
吹皺四方潮是一幅桃源新畫稿喜遷鶯登
高憑眺望深紅淺翠相交飄搖上定番大道
水色山光分外饒翁共媪有的是仲家土著
有的是當地青苗出隊子紅邊情調門前把
筆架瞧左邊的毛錐樣子土堅牢中間的大
將山頭峙起高右邊的一座猴坡名不小么

溪南行到有四靈不寂寥清暉樓在鳳山腰
兩照龜蛇接灞橋一片飛雲麟上矯刮地風
就裏雄奇吾愛瀑處處飛濤向穆家石碾前
頭鬧汨汨滔滔一簇簇獐花犴草一雙雙翠
禽白鳥跳月歌歸國謠杏花村杪吹笙唱六
么樂我漁樵四門子紆迴北路添愁抱掛旗
亭餘酒招碧雲窩裏閒吟嘯吳達詮主人
席別墅也主人
家無二毛擊鉢時興正豪坡邊一灣名核桃
水自清路更遙趕不上花溪晚櫂古水仙子
行行行走一遭陣陣陣結隊寒鴉各返巢他

他他與我同胞我我和他相好呀呀何
分漢與苗樂樂樂共快樂暮暮朝朝望望望
望真水真山打一包想想想想着俺中華顯
示中興兆喜喜喜不負此遊遨尾聲將十里
溪山入遊草莽烽烟四海刁騷更留戀世間
這華犵狁

南遷

仙呂點絳脣遠近高低下窺雲際山如几排
列東西開了朶蓮花蒂混江龍桂林遙睇七
星巖洞接郊畿嵒湖盪漾龍隱透迤新酒三

花初洗盞故人二北正相期絃歌地笑談朝
夕三日羈棲六么遍曲江行旅風光異未聞
舜樂一禮曹谿怱怱贛縣家訓競題別後長
汀猶記金鷄遇綠林豪客最離奇后庭花居
然傍燕溪來隨年少嬉上吉山中舍弘揚樂
教宜擁皋比精誠親愛諸生不我疑賺煞更
相攜榕城寄鼓山上高歌徒倚此地西湖花
草麗襯雲天碧海琉璃趁南薰吹輸靈氣把
一曲陽春重擬爲歌壇再譜出白銅鞮

倚裝題李涵初培基出峽圖卷時將東

歸

般涉耍孩兒趁大江東去風帆正喜二月巴
渝不冷一肩行李出陪京問行人多少離情
白雲峽內歸心遠綠草天涯畫筆輕圖中景
有秀山秀水相送行程四煞經洛磧下涪陵
艷都過了忠州近纔感懷故壘秦良玉去憑
弔遺宮白帝城停舟聽聽漁歌樵唱不是商
聲三煞明日裏萬縣行順風早險波濤灩澦
驚天塹好詩賦夔門誦杜陵瞿塘勝算懸空
匹練不盡奔騰二煞寰宇靜洗甲兵巫山想

見君臣興論文章在昔多三楚祇勳業如今
賤九能綸巾影數風流人物不過虛名一煞
三峽阻一葉輕還鄉伴侶今相慶這九年亡
命都如夢費百萬頭顱換太平心頭哽歎江
山都美不假丹青尾聲雨復晴晨到暝晝來
峽景都堪詠問可有一種傷心畫不成

居延殘簡

裘善元舊藏居延漢簡三十櫝惜完整者
不多者王一簡字尤漫漶惟甲渠官居延
甲渠候官扼甲渠正月盡三月四時等三

積有關甲渠者尙明晰一曰甘露二年十月盡三年九月吞遠食過關出入薄則信符之屬一曰初元三年九月壬子朔辛巳令史充敢言之爰書中殘一字文淳書道帶時應令卽射行埃事塞寸則書札之屬一曰第九隊長孫猩不在署猶後世假牌之屬而肩水金關平利里曰充等五人與此來往者居延長樂里吳多年十三及黃門山者段彭三簡又名刺之屬其有曰護服負護居官毋也財物官令祿地云者疑爲露

布通揭之屬案諸簡雖斷爛文字不可卒
讀然窺其情泰半用於防務者鞏固邊圉
經籌戎事於是乎見蓋不獨供證史籍取
資書論而已前因劉衡如鈞得睹此二千
年故物而神州板蕩血戰玄黃亦既七八
年於茲矣

越調門鶴鶉墜簡流沙翫今閱古漢地居延
唐天武庫摩挲掌想見龍飛愛好非徒考據二
甲渠八分書甲渠簡也有的章草傳神可喜是
過關食簿甘露簡紫花兒序者王殘缺者王簡幸

得初元壬子留書充爲令史記載模糊初元簡

真除吳姓多名樂里居吳多簡孫猩離署九隊

分明長管千夫孫猩簡天淨沙更有個黃門宦

者誰如段彭兩字蕭疏段彭簡財物要官負護

護服簡水肩人五住家平利之徒肩水簡尾繫年

有簡題甘露恣意教後人北顧須知道自古

設關防天山不可度

送甲申

民國三十四年二月十二日農曆甲申歲

除日也曾記歲始郭子沫若有明亡三百

年祭之作一年之中凡所見聞信多不如人意事未嘗不私心惴惴深恐甲申能爲崇幸而至於今夕甲申將盡矣乃作詞送

甲申

雙調新水令古甲申常遇不祥年在崇寧汴

梁未陷

宋徽宗崇寧二年

一周逢大定

金世宗大定四年

改

姓已完顏莊烈沈冤

明思宗崇禎十七年

憂患竟先驗

川撥棹今甲申又來前天人災都在眼瞻顧

中原望斷南天四海烽焰六合風煙七弟兄

我八年抗戰歷辛艱任蹈湯赴火心無怨只

待他坤轉與乾旋願甲申這一次行方便梅
花酒豈志願不誠虔誰料春間河洛難全北
地誰援衆生靈成倒懸看次第受熬煎纔秋
後衡雁落桂林拏柳州過犯黔邊便閩粵鐵
蹄徧又東來韶關失贛江翻收江南念重重
苦厄恨縣縣縱有企圖那敢對人言不覺的
提心弔膽到今天一聽放响鞭急忙忙門上
換桃錢離亭宴煞甲申呵你速去休留戀早
把災星退卻重相見體貼元元莫再查天寶

三年卷

唐玄宗天寶三年

只合會個乾隆面

清高宗乾隆二年

十九 祝你新甲申不遠多攜帶些幸福給蒼
生那時更唱歡迎曲來獻

周仲眉琅玕題名

南商調梧桐樹山無半壁平水不經年淨飄
泊西南日與嘉陵近可喜的峽中早把歌筵
定几外雲嵐列畫屏翠拍紅牙有幾個閒名
姓借琅玕寫出了流人影東甌令六么序解
三醒唱罷南音又北聲傳奇散套分明訂添
幾曲新時令明朝築座納書楹還按譜試西
崑

余舊有詩云大漢天聲一幟張嘉陵江水
叶宮商人間別有西崑曲一任他年誦魏

梁天聖樂歎仙霓徒侶凋零說吳闐空舊恨

穆藕初今還憐崑弋排場冷忍回首北平城

下世矣到如今巴渝曲調尊前聽祇雅部

韓世昌尚人間寂不聞周郎顧也趁良辰結社風流無

盡解三醒一個是餘杭舊尹汪寄庵一個是鞠

部崑生倪宗揚一個是道昇瀟灑偕文敏仲眉夫人

戊雙一個是牛首山僧甘貢三姑丈一個是雙柑斗

酒南郊隱戴夷乘一個是塞上曾陳十萬兵范崇

實一個是歌中聖項馨吾一個是劉家少婦翟貞

元一個是小葉娉婷張充和前腔須記取北泉

飲虹樂府八

七五飲虹錄

濯錦須記取夏壩漁燈須記取數帆樓上西
風冷須記取白鳥名亭須記取縉雲夜月獅
峯靜須記取買醉東陽艇自橫荒煙暝高歌
一曲處處關情餘文是嚶鳴聲相應好珍重
這一段因緣到太平願你那畫筆兒更補出
些江上景

東還

仙呂點絳脣甚處吾家紫金山下歸來乍驚
喜交加將熱淚頻揮灑混江龍夢耶非假一
車送我入光華頽垣敗壁野草閒花不似雕

梁歸紫燕有如老樹繞昏鴉
添悲詫向誰行
宿只自嗟呀
六么遍望門投向城南罷
百年老宅或免風沙堂兄從嫂粗飯淡茶兩碟三盤爭逐魚蝦笑九年饞嘴客三巴
后庭花今朝會姨媽明朝看舅耶里巷多親故清寒盡
苦瓜眼巴巴相逢今日誰將勝利誇
賺煞聽排衙逢人罵這羣庶都如井蛙
我是神靈天降下又鑽來地上仙家算吾儕功勞皆大不曾打些兒官話莫疑心我遇事便裝哈

送寵辭

三十五年一月二十五日廢歷乙酉
臘月二十三也予從亡九載子身東
歸居處一樓忽憶此夕有送竈之俗
今雖無竈可祀在爆竹聲中適成送
神之曲明日滄波監使將自京口至
予爲誦之滄波必有取於斯言

般涉耍孩兒一年今夕焚香禱燭影下虔燒
冷竈有的向東廚司命遞門包請神靈遮蓋
吾曹上天好事椿椿奏下界賊官個個饒糖
元寶且喫甜他嘴舌不能調四煞急忙忙添

竈疏去聲幾十條送神化了黃標表耳邊雨
小雷聲大境內威風我獨高山牢靠任衆人
前後冷熱譏嘲三煞果然是凶化吉罪可逃
巨商仗有腰間鈔吸人血肉吞連骨體已曾
難拔一毛城隍廟早多蒙曹判記下功勞二
煞又看人收五子娶二喬十全福分人間少
只緣苦盡頭初仰那管旁人腹尙枵還須要
給百年富貴鼎食千朝一煞誰要想瞞玉帝
分外糟老天自有真情報是非到底查明白
賞罰從頭細剔挑連他倒尙竈神虛告故意

粧喬尾聲，貶與褒權在操硬神靈，豈懼怕凡夫鬧一任你胡天胡地妄造謠。

財神告語

予以乙酉除夕還陪京開歲四日始抵山館家人方設香燭接財神今年建國之始所在需財於財神不可無辭也

仙呂點絳脣快接財神等交財運安排甚香氣氤氳紅蠟燭光無盡混江龍幾年貧困老夫依舊腐儒身量珠數米折桂炊薪時荷貧

杯劉氏鍾不求聚寶沈家盆能安頓看幾張
花紙淡似秋雲六么遍醉時常把財神誦你
無秀氣你有錢囤縱然是黃金美鈔千捆萬
斤對你又何曾幫襯昏昏我不學退之還作
送窮文後庭花今宵用意深迎君別有因願
你私藏破施財助世人告財神何肥己臨
財不苟吞賺煞福生民揮無吝莫將產遺留
子孫莫把私囊公帑混莫循情貼補交親自
然能稍輸民困不須君常抒高論算今年接
你個好財神

孔猶圓先生之一日

孔方既貴不可以名乃字曰猶圓世誇豪
富然猶圓自以爲儉也豪乎儉乎請觀此
一日之生活

南呂入雙調步步嬌百結鶉衣君休厭忍餓
君休怨清寒志要堅樂道安貧只怪你生來
賤莫罵孔猶圓我便便大腹團團面醉扶歸
也不過出家門摩托開流線也不過到銀行
支票寫美元坐的是彈簧紗發襯絲綿穿的
是勃絨便服垂金鍊也不過席蒙思的牀榻

供安眠也不過可羅迷的器具鋪綢墊皂羅
袍說飲食都非上選不過是海參魚翅雞脯
蝦丸偶然幾盒炮台菸偶然幾盞蒲桃泛偶
然有咖啡水菓布丁一盤晨餐是一湯兩蛋
生炒熟煎在筵前擺列無多碗好姐姐悶來
時遊方城幾圈倦來時看影場新片約二三
舞伴狐步走翩翩疾如電歎世間享樂尋難
徧已夢夢昏昏過一天尾聲畢竟是人生美
滿何曾見有如我猶圓尙不圓怕比起金谷

石崇多節儉

喀什噶爾謁香娘墓寺 並序

三十五年七月廿六日午抵喀什噶爾甫卸裝疾驅車馬出東門至七里鎮謁香娘墓寺香娘娘阿帕賀嘉哈吉愛達亦特拉之漢稱生有異香殊色號回族美人第一父曰阿吉木沙羣賀加一作浦利加毛教中名宿母曰佐乃哈黑尼木兄圖的利加漢人稱爲圖圖公先世本中亞細亞人初父朝麥加夢穆聖詔之曰汝當還國遂居京師二年夙精水利之學娶於哈密故

娘生長哈密五歲始隨父之吐魯番值有
水道糾紛請爲排解居吐魯番者四載九
歲始至喀什噶爾年二十嫁酋長大和卓
木或曰卽準噶爾汗清高宗征回疆殺卓
木徵娘入宮爲妃時年二十二娘矢志不
降身懷利刃示莫相犯高宗爲策回營媚
之卒不能回轉其意太后懼有變賜以酖
酒娘乃慨然飲毒完節留京師凡十五載
歿之日年三十八矣先是圖圖公夫婦護
妹入宮未幾公亦歿於京師娘歿之歲圖

夫人歷盡艱辛載兩遺體於靈輒北歸故
土葬喀什東郊營墓園造清真寺余至寺
請於管墓人娘之九世孫霍郎木麥汗墨
地意未利啟麻札麻札云者靈寢之謂圓
穹四柱金碧輝煌門上建瓴狀如新月刻
鏤藻飾彌精工修繕訖今亦已七十有二
年矣天方建築此當稱最適逢迺禡日屈
膝捧手者所在皆是喀什城男女往往哭訴
煩冤於寢門相傳亦有靈驗是娘不獨伊
斯蘭教之貞烈亦天方女神也已

般涉耍孩兒望春門外馬蹄輕斜照裏鞭絲
裊影有泥墳土屋山相稱越分明雪白天青
記畫圖曾識春風面我隨節今爲絕域行尋
佳勝道伊帕爾汗廟祀回京四煞亦特拉如
尊號香娘娘是漢名有魏峩麻扎輝方乘看
輝煌金碧琉璃瓦頂聳圓穹四柱擎交相映
那一鈎新月高插門楹三煞傳言妃幼貪沙
棗從此芬芳四體生教門祖父知名姓那大
和卓木是兒夫婿生小姿容衆所傾紅顏命
歎無情造物偏薄多情二煞自卓木遭誅戮

宮廷將妃子徵那君王好色多崇敬爲美人
一笑甘亡國只故劍恩深早意似冰懷中刃
恨報仇未遂空對回營一煞至竟他飲鳩從
容死成一個千秋貞烈名是伊斯蘭教中蛾
眉聖送靈輻歸葬天山路四海香娘萬口騰
吾多幸南疆萬里來弔芳靈煞尾吾爲迺禡
歌願歌回衆聽歌這絕代忠貞不是抒游興
也不向寢門哭望那娉婷影

赴庫爾勒行戈壁中哀棄驢

南呂一枝花你形容兒不比駝大名兒難比

馬一般戈壁上載重走天涯飽歷風沙受盡
無情罵辛勤報主家早拚着一陣陣血汗交
流還忍着一回回鞭笞棍打梁州第七那裏
討涓流寸草最驚心骸骨頭牙黃塵漠漠天
山下個人不見也沒個寒鴉遠處無聞也沒
個悲笳這其間聽主人一片嗟呀這其間多
嫌你一個驢娃秋風過長耳空搖碎石塊埋
頭苦蹋馬駝羣結隊回家恨他笑他茫茫天
地無窮大率性丟開罷拋閃得後路前程任
你爬淪落流沙尾聲這時只怪驢兒傻當日

曾將腳力誇你不信人間有欺詐千差萬差
差的你兩眼無能辨真假

瑤池行

天山最高峯曰漢騰格里在巴楚縣境次
則博克達去阜康城南四十餘里博克達
蒙古語神靈之謂故一名靈山天池在焉
天池者瑤池也瑤池有二其一在崑崙不
知孰爲穆天子宴西王母處丙戌七月之
望發迪化一百四十里至阜康更四十里
飯於板場始騎馬入博克達山山行六十

里止福壽寺寺在瑤池側前後三宿始去
雨晨月夕風雲變幻有非筆墨所能形容
萬一此曲聊識我遊蹤而已

天石青杏子走出阜康城指瑤池更向南行
板場飯飽峯巒近棄車上馬穿林越坂眼亂
心驚茶蘼香是西王母靈山境穆天子周天
神駿稽古賜嘉名良宵我得觀異景冰雪千
層上下明大月初呈皺鱗紋半池碎影纔信
道瑤池絕勝好觀音上界陰晴終難定萬峯
失驟雨如繩縣絮周遭翕氣冥四圍冰早省

識山靈性么無極觀名摧殘觀音洞名冷達
摩殿廢圯難凭石柱擎天柱天石八卦亭漸
凋零怕辜負遊人興隨煞但願明朝天放晴
更訪冰川山上層縱眼處迢迢兩京只恨那
青鳥無情不傳信

偕宋蔭國將軍

濂希

興龍山謁成吉思汗

陵

用碧山
套式

雙調新水令列車南向出榆中謁成陵總戎
相共研朱山起伏滴翠樹蔥籠指點前峯迎
游客角聲動雁兒落殿前燭影紅案上銀棺

供那絕代的胡蘭永伴君越顯出一個多情
種得勝令想當日所向九州同這金戈無敵
少年雄畫圖猶見鬚眉健旌旆高懸震亞東
英風四海羣兒悚光榮千秋大帝崇清江引
河水年年波浪湧人要爲時用今日誓靈前
一唱興龍頌願我中國的男兒多奮勇

阿不都拉梯敏上海篇

吾友阿不都拉梯敏君遊滬歸示我所爲
上海篇六章章四句客有據其畏吾爾
文字演爲語體者君舉以商諸余意在得

余筆爲傳述前元曲家貫雲石馬九臯皆
畏吾人並以散曲名余以爲譯成北套數
最相當因取般涉調套式爲之一夕而就
自謂已畧盡原作意也

般涉耍孩兒填胸不盡高希冀來到春申勝
地從前只道似芳菲有仙花園苑紛披眼中
名迹今都失心上纔憐事已非君知否我無
窮悵惘漸覺迷離么黃流滾滾重相擬多少
青春去矣健康消失悔無及落鮮花一朶淤
泥凋殘非復嬌模樣攀折緣誰我尙疑從頭

記也枝頭紅豔往事休提
三看看已是痼疾
試問有甚藥醫果然有藥能醫治萎靡總教
人難料但恐根深在臍脾多神祕竟無從體
會未見希奇
二沒城牆的都市疑置身在海
西玻璃滿眼堆成世玻璃鞋子玻璃服隨處
玻璃在外披玻璃裏笑玻璃世界盡是玻璃
一玻璃婦坐轎裏玻璃做子女衣車夫要變
玻璃的從今車馬無他物除卻玻璃不足奇
吾心喜幸街塗不變感謝天貽
尾祝光明前路遠飛鵬展翼齊
上海呵隨朝陽一道東邊

起你變成一座樂園好遊戲

端午詩人節于賈二公招集考試院以
林霽山五日詩分韻得唐字

雙調新水令豁蒙樓下慶端陽十年間異鄉
流浪未曾懸進士也不飲雄黃感歎悲傷逢
今日首東向雁兒落菖蒲劍截來四尺長汨
羅江逼得三閭葬怎會辨薰蕕別正邪都付
與萬古千秋想得勝令從今後建國要文章
一枝枝大筆吐光芒這回是五屆詩人節早
覓得珠璣滿錦囊康強祝上座諸宗匠隆昌

願中華復漢唐清江引淮水名秦山姓蔣形
勢東南壯莫作蹙眉吟先發高聲唱那屈子
的九歌吾敬仰

感陶園舊游時張庚由新逝

雙調新水令夢魂來往舊陶園指彈間景光
都變小樓人四五老屋樹遮天字幅吟箋長
斯守筆和硯雁兒落寫幾行急就篇舉一次
留春宴啖幾盤澀荔枝賞一會閒歌扇得勝
令笑此地有詞仙你相對更無言只道是聚
散尋常事卻早已銷磨七八年張先三中家

世君應健長眠噩耗傳來一泣然清江引聽
山陽笛聲君已遠影堂纔見庚由面重憶故
人情更把陶園戀恨陶園霎時緣法淺

飲虹樂府卷八

飲虹樂府卷九

套數二

金陵盧前冀野謔

孔子在陳

雙調新水令幾家弟子背定了書囊一輛破
車兒請夫子先上大家陳蔡去今日離宗邦
看他每意氣高揚都把那聖賢講駐馬聽經
多少村莊處處炊煙風動盪牛羊相望家家
鷄犬繞農桑果然陳蔡似江鄉人間一片昇
平象這其間神已往到水邊更聽些秧歌唱
雁兒落那夫子忽然想起接輿歌鳳兮他出

世多狂妄又想起匡兒錯認人爲的是鷄鳳
原相像得勝令道自我畏於匡久不歷風霜
陳蔡古殷地先王道應昌堪傷隨處多魔障
慌張誰知又絕糧川撥棹行李卸受饑荒衆
門徒爭鬥攘這個說我不知秋收冬藏那個
說我何曾計稻謀粱一個歎誰料得少米無
糠一個問那裏討薄餅粗餽霎地裏悽愴
喪恁安排入餓鄉七弟兄數起來這樁那樁
總難忘有短命顏回陋巷缺營養有綻破蘆
花閔子作衣裳最原憲赤貧抖擻出窮形狀

梅花酒這詩書沒用場難抵餓糧不變漿湯
怎禦災殃聽仲尼長歎息笑季路自稱強一
弄兒徒悵惘眼巴巴誰救你那明王誰睬你
那豪商空轆轤忍饑腸收江南這纔知世途
原不要文章孔仲尼悔向陳來走一場只要
你寡廉鮮恥肯無良有膏粱自享誰管什麼
聖賢豪傑與虞唐

問柳

正宮端正好黨叔文緣何事莽天涯放逐無
辭原知不是功名士枉落得愚溪字滾繡球

肯不爲中立師又賀災駭世昧盈虛爾自知
之那宋清世所嗤在長安藥市郭橐駝也不
過種樹么廝說甚麼戒官取喻心存政這分
明寂寞難甘縮手時未忘丹墀倘秀才把一
個呂化光走衡州貶死笑一個劉夢得說玄
都道士歎一個凌準抗疏還遭衆鬼欺誠自
慟爲君悲猶彼脫布衫畢竟是淡文章落紙
嗟咨俊歌吟曾費才思早料到平生屈子本
難同昌黎情致小梁州那好山水今爲子厚
私永柳清奇千秋萬古見風姿朱和紫恨此

身不復到鳳皇池(么)看天南又多少騷人至
趁斜陽來弔遺祠舊相公知誰氏更誰道唐
朝刺史只誦你那短長詩(尾聲)謫遷累爾誰
二王不掛齒卻因他成就了文章事呀子厚
但問你初心可如是

重過善鐘路

大石青杏子依舊小紅樓十年前此地淹留
座中人物堪回首履齋吳董卿雋語瓶齋譚

大武宏量瀨一陳甘箬清謳歸塞北揮杯趣

竟日澹忘憂試舞每邀黃墨謔公渚賞音還

約夏隣牛

映庵

花下蟻先浮卜金錢畫就雙

于

湯定之滌

吟成鶴叟

冒疾齋

純羹鱸膾閒

消受懶散人文章友那時節消搖不爲稻粱
謀怨別離你醒來詩夢好夷猶是非場纔縮
手正絲竹安排中年後爭又謬向燈燄投身
蛾覺否催花樂你可曾想到下場頭黃梁炊
熟到頭何有孽海深沈誰可救斷送你荒荒
柴市口摧拍子帶賺煞料不到重來樓前走
一樣的道旁楊柳裊裊絲絲淒淒怨怨蕩蕩
悠悠再不像往日綢繆但不知那飛燕那家

留有幾個賓朋遇劫後更話舊懷人淚盈袖

徵獻樓客語

商調集賢賓冷詞場百年誰論定名士等晨
星經一劫遭一番剝蝕過一時又一輩凋零
難再見裾屐風流更何人詩酒爲盟漸經書
可焚儒可坑盈耳無非衛鄭泮宮成鬧市棘
院改官廳逍遙樂小樓槐靜算當年榜上英
豪早銷名滅姓那個題評只飛虹舊日橋影
望明遠依然尙有亭已不必文章憎命問如
今詩書何用天地何容富貴何憑金菊香照

眼的霓虹不見讀書燈驚心的卻把書聲換
市聲你這幾個迂酸還乘興將一些土飯塵
羹當甚麼文獻自研徵本調煞采訪餘勤考
證校讐枉費心文字總無靈歎詞似淮東石
畫如寄漚王史出吳翁訂一時俱逝是金陵
不幸此際樓中擱筆正傷情

時吳向之石雲
軒王東培三先

逝生新

右老招偕延濤士香夫婦胡公石游采
石磯登太白樓小憩廣濟寺青山在望
不得一展青蓮墓歸後始成此作

雙調新水令我來磯下聽風濤想當初青蓮
曾到放懷澆濁酒側帽著宮袍大月親撈騎
鯨背上天了雁兒落一坏土謫仙萬古豪兩
當軒有個人同調千年後樓頭寄遠思便揮
毫海內騰光耀得勝令要題詩敢過鎖溪橋
肯班門弄斧博譏嘲翻新樣且譜迎神曲借
幾疊清商獻短謠風騷徧眾口纔佳妙才高
信唐詩跨六朝清江引我今日登樓先拜倒
樓外江聲鬧廢寺避驕陽詞意空縈繞只搜
盡枯腸完不了稿

夢甘地

正宮端正好在昨宵迷糊裏見一個瘦岩岩
老漢沒穿衣光頭兩鏡懸高鼻我認識他名
甘地滾繡毬掛笑容紫臉皮有一團正氣話
平生髣髴依稀你最能忍了飢記連前十五
起那泰戈爾道你名代替犧牲犧算六回被捕
三番獄四次曾遭刺客欺敢笑你不合時宜
倘秀才比那個雅典城蘇格作平拉底比那
個十字架耶穌就義比那個林肯解放黑奴
反被羅今日個遇尤奇難比脫布衫你憫衆

生貴賤高低等冤親印是回非恃熱愛塵凡
不棄願宗邦脫離奴隸小梁州那料的飛禍
平空拍拉西合掌方祈殺身三彈血淋漓呼
天地怎聖雄一旦捨吾黎么看骨灰揚處恆
河沸聽吠陀聲似泣如啼恨未參恆河洗誰
承望夢中倒見了你依舊是笑嘻嘻尾聲你
爲何夢裏來此來終有意問世間黑暗何時
已呀甘地你永似一簇星光耿天際

丁亥年景

雙調新水令半斤紅蠟且高燒可又早歲除

來到年關新接舊物價漲還高檢點荷包年
景今年少駐馬聽爆竹虛囂把門上桃符換
幾條封廁迎竈也未能免俗小兒曹萬金給
壓歲只將頭搖萬金買不了糖元寶放火炮
要三千恰是關金鈔雁兒落笑筵前興正豪
纔下箸不開交肉丸兒小似珠鴨脯子薄能
照得勝令美味的菜名瓢入時的有萋蒿排
下這先生饌無須飲淡薄醪點心是年糕加
桂乳和紅棗元宵碎芝蔴拌核桃川撥棹呀
俺這裏謾逍遙可省得有人難自保想那些

挨餓棚茅受凍寒窰風雪飄搖痛哭號啣應
不止千家老小問如何度此宵七弟兄麈糟
打熬好蹊蹶只爲清高纔落了窮圈套兩肩
十口担兒挑到如今苦中還自開顏笑梅花
酒正朱門坐老饕要笑你牢騷要說你無聊
他珍錯細烹調醉後向燈前賭煙槍在枕上
搖着一襲白狐袍賞一剪水仙嬌徵歌舞不
辭勞又鑼鼓自家敲收江南呀人間相隔幾
重橋富與貧地闊仰天高這一回年景不須
描更何詞頌禱只盼望同登樂域在明朝

燈節在夫子廟

從廟上歸與曾漫君談兒時樂事不覺今
昔已殊歷舉燈名花炮名多不復存因濡
筆記之是亦成南都掌故已

黃鍾願成雙遇上燈節到廟前早堆成燈地
燈天望球燈旋轉壁燈鮮排列下牌燈一片
么篇換頭走馬燈活潑蝦蟆扁蘿蔔頭個個
紅圓綠獅白兔各爭先當日裏魚龍價賤出
隊子鬼臉兒遮面糊來粗紙堅假鬚鬚紅黑
色都全銀器仗刀槍帶馬鞭便花爆名稱今

亦變么篇換頭有金盅銀碟盆蘭眩九條龍
似紙鳶閒投水鼠與黃煙鴉卵丟完更擲錢
正門外划船叫採蓮尾無恙的秦淮得重見
不再得的是我童年誰想道燈節纔臨春已
遠

乘桴行送孔達生德成出國

般涉耍孩兒老聖人當日要乘桴去道不行
纔這般區處算絕糧陳蔡畏于匡幾回早賦
歸歟杏壇來傳授三千士論語只遺留兩卷
書惟忠恕是儒家根本無間賢愚四煞不把

斯文喪天生德在予那桓魋賊漢人何懼恨
顏回季路都非命兔走烏飛歲不居傷心句
看如斯逝者不住嗟吁三煞時非古道有餘
第七十七代聖人今日因時出你既然發憤
弘家學還待精勤習法盧詳箋註徧東瀛西
海莫限方隅二煞游羅馬弔故墟歐洲大陸
你當長時住愛琴克里多遺跡約黨文明又
一區朝東去望尼羅河上金塔前趨一煞心
能領足不拘莫忘了波斯遊後經天竺新邦
舊壤閒參究治亂興衰萬象殊無爭拒好歸

來述作孔氏新書尾百忙裏送你行臨歧卻
無別語不知何時再向都門聚今夜且秉燭
商量在宮羽

寄薛建吾臺北

大石青杏子席帽映蒼顏十年來歷盡艱難
笑半肩行李無牽絆也曾攀蜀棧久浮湘水
又到臺灣歸塞北鷗影外纔覺一身閑得句
每饒湖海氣舊遊難忘小長干夢裏雨花山
么篇歡不再此去幾時還往事追尋惟篋稿
華嚴樓閣指重彈薄暮獨憑闌尾聲這萬里

江山春何限不似那蒼狗白雲都幻從今後
神州袖手看但祝你高吟少憂患

壽貢三丈

數十年來金陵人士談度曲必推贅園仇
翁與吾姑丈貢三甘先生鑫先生家南捕
廳世有津逮樓以藏金石著稱地近南唐
大內遺址丁丑以前有曲集曰紫霞社者
先生實主之既避地入蜀前與同客北碚
嘗欲重興元明舊樂先生力促其成時戲
謂之西崑曲未幾東歸戊子二月先生年

六十矣紫霞舊侶以壽詞屬諸前虛白程
君曰惟南呂集曲梁州新郎聲高朗宜同
唱復符祝頌之義前曰諾一夕遂成此曲
虛白乃爲訂譜而先生子南軒漢波律之
三弟長華鴻華兩妹暨婿汪君劍雲俱工
此是當與賓客同歌以娛老人豈非金陵
近日罕有之盛事與

南南呂梁州新郎算歌場都變歎詞林絕響
不是當年景况澄心遺跡數風流第一南唐
重憶成弘盛世寄傲梨雲後勁推蕭爽秦淮

花月夜弄笙簧而今津逮樓中見樂王玉笛
吹金鈴盪婆娑舞袖氍毹上先拾畫後西廂
前腔知先生懷抱將魏梁供養早與仇翁頡
頰分明喉齒是廣陵先正遺腔何止曾羅百
軸北調南宮盡入珊瑚網同期三五輩細商
量畢竟後起光宣有葉堂白雪音時無兩紫
霞近日高名望承絕業理宮商前腔記十年
離亂在蠶叢舊壤待把西崑別倡嘉陵江水
竟一朝相送還鄉猶見龍蟠虎踞大月流天
照過烏衣巷回頭多少事盡滄桑此際重拍

紅牙唱八陽鏡裏花多虛妄眼中四大真空
相人海闊曲能忘前腔喜畫堂紅燭正芳辰
俊賞捲起扶風絳帳今朝周甲要先生意快
歡狂繞膝歌聲應和子倡孫隨一對珠擎掌
南都添韻事獻春觴暢道白首同偕五世昌
節節高宜春絳吉祥曲子爭相餉天下樂滿
庭芳尾願揚波曲海無多讓重奠定聲家榜
樣共祝賀你仙翁老益壯

題泰華圖爲髯公七十壽

正宮端正好折柳灞橋前怒馬潼關外彩虹

橫太華雲開看絕峯鼓掌生還客渾不俟烏
頭白〔滾繡毬〕取次的日重光掃虜羸漢旌旗
徧九垓共大義朔南英邁將碧血換神州費
盡安排又誰知屠狗才竟中塗窺竊來霎時
間桃僵李代空教人氣短心灰縱然是先生
白分愁中老免不了亡命重登拜將臺在天
安門下一徘徊〔倘秀才〕聚三秦佳子弟同仇
敵愾歸東里賢主客齊心恤災這其間破寺
名碑半草萊這其間煙起處幾家回苦經營
幾載〔么〕飽看他莫斯科潮流澎湃憑弔那貝

加爾今古興衰曾記得脫險沙陀舊壤來平
戰壘仗于思重圍始解脫布衫莫南都鍾阜
秦淮位元勳黃閣烏臺歷憂患還勞決策無
遐邇爭稱仁愛小梁州王道干城世莫猜盟
友相偕九年戰果笑顏開濡毫待揮灑凱旋
牌么白頭又出陽關界有鰈生隨節西來都
道是范仲淹安邊塞十三族從此和諧尾聲
望玉女貯錦春傍蓮花籠瑞靄太平老子康
疆在祝賀你太華巍巍無忘海

太平海爲先生所命名

戊子清明

〔大石青杏子〕轉瞬忽清明草芊芊柳色青青
出門未覺黃昏近正山銜落日江懸遠樹我
拜先塋歸塞北柴門外長記喚兒聲晚景未
娛歸已老深恩如海報何曾甚日更歡承么
篇還三跪墓下淚如傾無母世間亡日月鮮
民從此敢偷生喪亂況頻仍〔尾聲〕化盡錢灰
風初定安德里前山徑孤兒未忍行兒自呼
孃等孃應

弔金山

〔南呂一枝花〕裴公枉得金法海空餘洞薦慈

懷蟒女玉鑑弔坡翁四大皆空勝迹尋春夢
江天失大雄又一番業火飛騰那裏見波濤
洶湧梁州第七幸遂起鼎還能供奉武鄉侯
尙有遺銅文忠寶帶徵明詠都存劫後抱守
堂中我只爲鱗魚時節來訪焦東妄流傳老
衲仙踪最神奇古渡龜從不饒人零雨尖風
繞小徑重穿白龍望留雲不上香峯杖筇履
叢高巖日照如相送殿上瓦寺前棟摧毀從
傷道已窮敢怨兵戎尾聲想當年梁夫人桴
鼓聲初動就算他金兀朮樓船氣勢雄可憐

你老方丈霜亭修何用早鐘晚鐘則喚出個
兒郎將一把火來擁

京口阻雨

南南呂解三醒爲選勝三山嘯傲趁晴和步
出南郊馬墳百級閒登眺伯先墓半蓬蒿徒
誇豪富園林美誰信元勳德業高春光好正
江天一色綠柳千條前腔隨意過竹林古廟
十年前曾共昏朝舊題不見紗籠罩牆都壞
怎生找樓中僧子詢名姓寺後修篁劫火銷
人重到羨繞梁乳燕尙有新巢前腔望北固

視余而笑話蕭齋隱已難招寄奴門巷空憑
弔留江上看金焦此來莫負鱗魚約獨往尋
幽眾口嘲歸何早已四輪東指追逐塵囂前
腔驀地裏烏雲密罩霎時間風雨號陶風狂
電掣雷如礮遊山興盡冰消主人陳紹循序
陳茶點惡客還催進酒肴諸兄嫂早攤開葉
子鬆解荷包友鸞友鶴夫婦同游

梅花嶺謁史閣部祠

大石青杏子社鼓神鴉冷祠堂老樹杈枒紅
橋日夜江湖打一坏黃土二分明月幾點梅

花歸塞北倉皇日此地屬誰家南面孱王銜
壁待血成河處沒蟲沙一甕鮮魚蝦么憑隻
手大厦獨撐他知不可爲猶盡瘁臨危授命
豈浮夸正氣壯中華尾聲淮左依然多兵馬
今日又來祠下荒荒水一涯歎劫後蕪城不
能畫

瘦湖春泛

南南呂解三醒又來到竹西試櫂小湖船撐
出紅橋香影廊燕去樓空悄幾株柳五亭遙
廢池喬木春難住賸山殘水筆可描蕪城道

正四郊多壘且共遊遨前腔深樹裏偶聞啼
鳥過徐園重話人豪想當時霸業雄江表一
回首付漁樵波心蕩月無人見荳蔻詞工任
意嘲風流覺只青樓夢醒不是前朝前腔更
飽看平山夕照剔莓苔碑字蕭條那鶴墳早
已埋荒草便泉水沒蓬蒿名山隨處爲兵占

殿上瞿曇守不牢僧多少和大營號角鐘鼓

頻敲前腔賢邑宰終朝歡笑

林專員叙彝王縣長景濤伴遊

竟日小金山擺列嘉肴杜鵑聲苦向游人報暫

時別廣陵潮煙花豈逐三春盡詞賦誰如一

代高含光老願渡江有日整頓風騷

是日始
昭陳先

生請講
學南雍

鍾馗捉鬼

般涉耍孩兒莽書生何必居其位小鬼每見
而生畏招來蝙蝠仗蒿蒲便不着宮袍也自
壯聲威一任你妖魔鬼怪爭相媚他只是除
暴安良有是非詳功罪他明分賞罰不管伊
誰四鍾爲姓名叫馗豈因進士身纔貴生來
胆大兼宏量不屈權門冒險危何所爲只剛
由無欲正氣長垂三何人寫他嫁妹圖成小

鬼奴才隊不知此畫將他辱恰教鍾馗變鬼
魁奴爲累險些把老鍾蒙蔽臉上塗灰二只
怪他粗心的逃出了鬼一堆人間今日長相
會看鬼頭鬼腦居人上聽鬼話成篇說一回
固糧鬼已造成白禍還閉眼低眉一黃金鬼
知自肥前幾年矮鬼兒曾爲崇紅毛今日又
來相嚇殺不盡的黑籍冤魂也沒處追還有
那奸和僞願你早繩編五色捆好鞭捶尾抖
擻出捉鬼風永不聞人歎喟早掃盡鬼輩存
人類還我個世界清明別人鬼

次和枝巢翁兼促南歸

雙調新水令清明纔過雨兼風掩重門早將
春送攤書簾影盪對鏡酒顏紅柳暗花慵尋
不出杜郎夢駐馬聽得失沙蟲倚枕閒來看
鬼董誰憐楚鳳小王劫後亦成翁亂前嘗譜一夢緣爲
奇文章翻爲亂離工荒寒也有家山夢一任
他弦管闕每到春歸只覺鄉心動雁兒落天
涯有弟兄個個多情種怕添白髮愁時先慈就養北
碛敢作窮途慟得勝令記相見敘離悰幸未
改舊顏容捷聞涕淚衣裳滿漫卷詩書笑語

融恩恩國門一入遺黎慟心慵肯向秦淮覓
舊蹤川撥棹與父老正歡逢笑葉子而今新
作風泛北湖指點靈鍾鷄埭殘鐘明月如弓
這其間樂趣無窮幾闕詞試遣愚衷謝你每
故鄉人情義重七弟兄當日個飲長虹酒雄
大量有時窮早不同北海尊常空卻袖一支
短笛近伶工趁笙歌留戀遊園夢梅花酒願
詞老返江東石頭城中拍手重逢白雪詞工
一道兒乾和哄莫愁湖洞神宮攜杖履定期
同邀耆舊約兒童翻舊曲話成豐繞芳樹鬱

青蔥尊上座夏枝翁收江南便從頭整頓好
鄉風安排下詩酒會淮東河房一帶捲簾櫳
拍紅牙共諷休忘了滄桑閱盡那六朝松

戊子首夏七十五歲生日感懷

夏仁虎蔚如

[北雙調新水令]畫廊容易轉薰風正清和
小庭目送草仍隨意綠花得幾時紅笑紛
紛蝶老蜂慵猶未醒少年夢駐馬聽技擅
雕蟲留作文房陳骨董才誇吐鳳今成世
上一衰翁憂天自笑杞人工微言不發明

王夢聽藤陰簷雀鬪錯疑歌席絲簧動雁

兒落舊日是聯鑣的五弟兄如今似孤根

種寫關河斷雁圖寄風鶴南枝慟金陵事變兩兄

道喪余作關河斷雁憶南枝二圖寄感得勝令想當年縞紵

達情惊文酒極從容便窮如禪曬南家阮

也強學尊開北海融恩恩有多少人琴慟

疏慵更誰聯聽雨蹤川撥棹有幾個偶相

逢還未改貞元朝士風祇近來大半龍鍾

歇鈞停鐘彈雀無弓主乏賓窮便見時話

到腸衷但嗟吁愁擔重舊京老友文謙滋繁星初消寒春秋

兩禊律社分燈敲詩擊鉢繼以雀戲自藏
園臥病蔭北劍秋嘯麓奄逝今並歇絕

〔七弟兄〕空自說如虹氣雄命途窮還偷得
數米量薪空來理這覓句賞花工不須提
扶杖昇平夢梅花酒不能够返江東黃葉
村中老友歡逢鬥葉爭工這搭兒廝和哄
聚家人一畝宮妻與妾老相同兒和媳帶
孫童逢歲儉怕筵豐強支辦醬和蔥逢壽
日壽翁翁收江南誰說是年年浴佛雨兼
風今年卻晴日早升東柳絲如雪撲簾櫳
且孤吟獨諷休誤作佳聯自撰祝喬松

趙德昌像我

客有見清宮所藏摹本宋眞宗像者以爲
與前酷肖馬叔平先生遂呼前爲宋眞宗
夏廬丈戲謂前具帝王氣象而名攝影師
羅寄梅君爲合製一照前乃譜北詞一套
書其上或曰非君似眞宗是眞宗似君耳
因題云趙德昌像我

般涉耍孩兒趙官家可是這喬模樣卻早把
紅袍穿上看眉毛細細眼星星不多隆的鼻
準二寸來長疏疏鬚髯襯託出龐兒胖緊接

着那不大而圓的嘴一張就算是官家相還
有的說德昌像我我那裏會像你人王(四)王
已成爲帝韓又換做襄昌休恆侃你名常創
沒根由天書屢降誰能信笑的你一國君臣
似病狂說起來真無當借一些鬼神設教嚇
不退那番邦(三)這一邊是西夏契丹又在北
方要不是瀘淵一役聲威壯一從那幽州敗
後民無氣怕早不得縣延到靖康從頭想注
定了十五朝弱宋比不上三百載彊唐(二)畢
竟聰明主防微笑李沆他早年聽政多恭讓

也曾到孔林奠獻尊玄聖又爭說雲護園臺
月有光都癡妄那有個人無志氣天示禎祥
〔一〕我只是青衫客從來薄帝王你宋眞宗卻
與我時相彷彿並不因貌似嗟貧賤任假手功
名道短長天書降我要這天書何用要自家
發憤圖強〔尾〕供你在廟堂放我居草莽我兩
人各有千金享且讓我鼓吹中興自標榜

候志黃久不至過鳩江亦未得見賦此
奉報

雙調新水令記從弱歲走天涯抗風塵早生

華髮莫愁湖上月靈谷寺中花賀老琵琶訴

不盡舊時話駐馬聽過眼浮華門第金張都

是假文壇聲價君家父子盡堪誇尊翁子威先生爲名

詩人廿年一面歎緣差卽今末世無風雅正相

期杯一把望赭山咫尺都門下雁兒落想當

日則明過我時謂二北共我銷長夏北湖一葉

舟鍾黛青如畫得勝令也曾上掃葉試新茶

侯府破冰瓜白鷺招吟侶秦淮問酒家行咱

去日如奔馬望咱檣湖羈旅他川撥棹想仙

翁舊情洽謂霜厓師趁南雍都講暇也共我賞月

看花北調南哇金縷銅琶賭酒呼茶都道似
神仙瀟灑今日個望南雲淚雨下七弟兄說
甚麼敬咱愛咱景光佳可憐往事都飄瓦景
光如舊舊人差志黃可知我待你在臺城罷

梅花酒有曲社名紫霞繼翰苑仇家算津逮

甘家又紅豆溥家高歌推趙老謂友短笛數

吳衙謂南一搭兒把場面打將白雪換嗟呀

放鄭衛復黃華鑼響處鼓重撾收江南誰知

我陶塘再到路非遐依然未得過君家歎伊

人秋水隔蒹葭願君速駕此來猶及看荷花

冀野先生神契已久一面終違茲將東
返過京專訪故製此套以爲先容時正
風雲彌漫空懷冀北之遊道路艱難未
返滇西之夢江湖老去槐杏凋殘他日
持尊無非懷古當年種柳都已成陰敢
紆下里之音還望陽春之報

宗之潢 志黃

雙調新水令二十年景慕飲虹籀論金石
願存神契相思驚歲月交臂失雲蜺悶殺
鍾期欲把寸心寄駐馬聽酒社詩集江左

風流今未已，笛邊歌裏秦淮月。色恰相宜，
關卿樂府授吳姬。白門楊柳青無際。我思
依依須信是，人生一面非容易。沈醉東風，
我盼的是接清唾。精窮妙理聆高談。大悟
玄機將多年，茅塞開把萬斛塵襟洗。任齊
梁晉宋推移，王謝堂前燕子飛。笑前朝都
不值半米。步步嬌。今歲湖邊荷開日。一舫
來相覓。休嫌償願遲。早落月停雲共襟期。
不須疑杯酒。平生意。雁兒落。長堤柳正肥。
舊苑花如蔽。揮塵夕陽天。散幘忘機地。得

勝令逸興欲遄飛醉墨欲留題酒壘寧揮
涕詩壇無勝棋嗤嗤今古搬興廢噫噫人
天失是非沽美酒十年苦亂離萬里倦奔
馳今日歸來長太息石橋似舊旅夢冷滇
西太平令心已淡逢場規避鬢將星對鏡
遲疑但開眼都成隔世乍抬身已恨無期
自知不宜久羈總無奈天涯新意鴛鴦煞
攜將湖海元龍氣來尋煙水南朝地一壁
廂畫舫笙歌一壁廂戰馬金鞞暢道是人
間終古無愁問過客誰人不淚爭知今世

今世何年歲且消磨月岸風隄一笛關山
夢兒裏

重過半山寺

〔南仙呂〕入雙調步步嬌老樹當門紅泥寺曾
記童年至女牆月上遲見一座亭兒想起爭
墩事他驢背晚歸時誦熙甯一部維新史〔江
兒水〕拗相今傳世只有詩歎空將抱負騰文
字算未能酬得平生志笑酸儒依舊喬張致
氣壞了臨川居士但結網蜘蛛還仗着王門
勢〔清江引〕王門大才福建子反復真無恥眼

中例最多世上人如此有幾個能來半山吟
到死

夢遊廣寒

南仙呂疏簾淡月瓊樓玉宇渾不似人間喜

今夕無雨

已二度中秋
不見月矣

共我清游沒個洞天

仙侶嫦娥竊笑還私語李隆基舊曾相遇飲
虹何幸不偕道士也能飛舉不是路躡上天
衢來往誰乘流線車園林趣香飄桂子殿西
隅立斯須階前又與吳剛聚道接待先生逛
太虛天如許自由自在君無懼廣寒宮去廣

寒宮去〔長拍〕宮後宮前宮後宮前戲蟾躍兔
禁衛並無精旅玉皇迎出說我有斗酒以供
君此日之需攜余同入玉皇居走到靈臺上
有柳絲千縷碧玉堆成寶塔樣池裏盡是金
魚幾個淡粧宮女向白雲擁處蓮步徐徐〔短
拍〕驀地呼張果前來張果前來果皤然一老
意怏怏倒跨疲驢他見我但歛歛爲的是世
情堪慮說到烽煙下界看他正搖首亂拈鬚
〔尾文〕纔聽他幾句驚心語不覺我瞢騰一夢
蘧這廣寒畢竟隔塵凡又一區

戊子九日集小倉山卽次世經堂樂府

重陽短套原韻

〔南仙呂〕入雙調步步嬌沁水三原今詩老約
聚隨園好滿城風雨銷不插茱萸但看蘋蓼
隨喜共登高我科頭落不了龍山帽江兒水
琴隱誰相問湯雨生園舊與隨園爲鄰神狐世所嘲變桑
田一角江山小啞詞章近日知音少趙香宋嘗推袁
枚爲清詩第一世或疑之歎名門幾個兒孫好隨園產訟甫定遙
指望松楸矯矯墓已荒涼誰料得殘碑曾倒
〔清江引〕題糕舊風蠲棄早付與山歌料重陽

只有旗那有泥金詔反原詞意任你唱長謠短謠

無不可原詞見集中卷二十七陳其年校訂徐旭旦為錢塘人讀可若考茲仍之

戊子九日集小倉山冀野師次徐旭旦

重陽套曲原韻余亦繼作

霍松林

〔南仙呂〕入雙調步步嬌 一代詩人煙霞老

得地逢辰好振衣愁已銷繞郭青山滿陂

紅蓼看我此登高笑長風吹不落參軍帽

〔江兒水〕神社神安在螳螂臂可嘲南京淪陷時日

人建神社於此望寰區不覺堯封小衣冠未信耆

英少待從頭整頓家山好算大國龍翔鳳
矯除暴安良要你挽狂瀾將倒清江引優
游未須歸去早入眼皆詩料端宜醉菊花
不待金門詔怕歲晚尋歡及時今尙可

九日未得與登高之會次韻成套

葉嘉瑩

〔南仙呂〕入雙調步步嬌籬豆花開秋容老
風入重陽好雁飛殘暑銷翠黛迎人胭脂
點蓼相勸客登高怯單寒我不耐風吹帽
〔江兒水〕閉戶銷白日填詞自解嘲鎖梧桐

一角閒庭小叫長空三五征鴻少掩寒窗
幾葉芭蕉好負佳節非關性矯多病停杯
爭敢比杜陵潦倒清江引一揮彩毫成賦
早只我無詩料索和感春風俚句慚清詔
待明朝親呈冀師求印可

飲虹樂府卷九